

Ár kvikmyndafélag ehf.  
Furuhlíð 9  
550 Sauðárkrókur

Reykjavík, 22. september 2020  
UST202009-142/P.V.B.  
09.05.01

## **Efni: Umsókn um leyfi til rannsókna í Kerlingarfjöllum**

Umhverfisstofnun hefur mótttekið umsókn Ár kvikmyndafélag ehf., dagsett 14. september 2020, um leyfi til rannsókna í Kerlingarfjöllum.

Kerlingarfjöll eru friðlýst sem landslagsverndarsvæði sbr. auglýsing nr. 822/2020. Aðrar rannsóknir en rannsóknir Náttúrufræðistofnunar Íslands og Minjastofnunar Íslands eru háðar leyfi Umhverfisstofnunar. Óheimilt er að valda spjöllum á landslagi svæðisins. Allt rask á jarðminjum er óheimilt innan verndarsvæðisins, nema með sérstöku leyfi. Óheimilt er að raska hverum og öðrum uppsprettum á svæðinu. Óheimilt er að hafa áhrif á lífríki sem tengist hverum og öðrum heitum uppsprettum nema með leyfi.

### **Lýsing verkefnis:**

Vegna kvikmyndatöku í Kerlingarfjöllum í tengslum við gerð þýskra fræðsluþátta um náttúru og vísindi er óskað eftir leyfi til sýnatöku á jarðhitasvæði í Kerlingarfjöllum. Til stendur að taka þrjú gassýni úr jarðvegi og mynda vísindamanninn í leiðinni. Að tókunum koma 4 starfsmenn auk vísindamannsins. Til að taka sýnin eru sett niður 3 lítil rör í jarðveginn, mynd af þeim fylgdi með umsókn. Staðsetning sýnatökustað var gefin upp með gps hnitum í umsókn. Ekki er þörf á að stöðva umferð annara gesta um svæðið á meðan sýnatökur fara fram.

### **Áhrifamat:**

Umhverfisstofnun metur verkefni ekki líklegt til að hafa neikvæð áhrif á verndargildi svæðisins. Lítið rask fylgir verkefninu en mikilvægt er að vanda til við frágang svo sýnilegt rask hverfi eins hratt og kostur er.

### **Skilyrði:**

Umhverfisstofnun veitir Ár kvikmyndafélagi ehf. fyrir sitt leyti leyfi fyrir rannsóknum í Kerlingarfjöllum sbr. lýsingu hér að ofan þann 24. september 2020 að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Virða skal umgengnisreglur sem gilda um svæðið.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Afmá skal öll ummerki verkefnisins á svæðinu að því loknu.

- Sýnataka er eingöngu fyrir ofangreint verkefni og óheimilt er að afhenda þriðja aðila sýnin í gróðaskyni.
- Rannsóknaraðili og kvikmyndagerðarmenn skulu vera merktir sínum stofnunum og/eða klæðast merktum sýnileikafatnaði.
- Sýnataka skal fara fram þar sem ummerki um hana eru ekki sýnileg öðrum gestum og afmá ummerki um hana að sýnatöku lokinni.
- Allur akstur utan vega er bannaður.
- Starfsmenn verkefnisins gangi snyrtilega um svæðið og forðist allt rask og þess gætt að allur úrgangur verði fjarlægður.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Umhverfisstofnun mælist til þess að taka skuli á loft og lenda ómönnuðu loftfari í öruggri fjarlægð frá gestum svæðisins skv. reglugerð um ómönnuð loftför nr. 990/2017

Að öðru leyti skal haga flugi ómannaðra loftfari í samræmi við reglugerð nr. 990/2017, um starfrækslu fjarstýrðra loftfara.

Umhverfisstofnun bendir á að dróna sem notaðir eru í atvinnuskyni þarf að skrá sérstaklega hjá Samgöngustofu.

Sækja þarf um leyfi til Orkustofnunar fyrir rannsóknum á jarðhitasvæðum.

Leyfi Náttúrufræðistofnunar Íslands þarf ef flytja á sýni úr landi.

Umhverfisstofnun óskar eftir því að fá afrit af niðurstöðum ofangreindrar rannsóknar án endurgjalds.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

**Leyfisgjald:**

Umhverfisstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um rannsóknir er kr. 39.400.- sbr. 24. gr. b. gjaldskrá Umhverfisstofnunar nr. 535/2015.

Virðingarfyllst



Elín Björg Ragnarsdóttir  
sviðsstjóri



Daníel Freyr Jónsson  
sérfræðingur